



Jen Bureejtōn Thomas S. Monson

Pokake ej Bōktok Kōjeramman ko

Juon jeļāļokjeņ kōn mool im uwaak ko nān kajitōk ko ad reļļap rej itok nān kōj ilo ad pokake kien ko an Anij.

Ro jeiū im jatū jitōn bōro, eļap aō mōņōņō in pād ippāmi jibboņ in. Ij kajitōk ippāmi kōn ami tōmak im jar āinwōt uwaak eo aō nān jeramman in ij bōke nān kōnono nān kom.

Ilo aolepān iiō ko, maan im kōrā ro raar pukōt jeļāļokjeņ im meļeļe eo kōn mour in im jikier im kōttōpar eo aer ie, barāinwōt wāween eo nān lo aenōmman im mōņōņō. Kōj kajjojo rej bōk kōņaad kōn kain kappok rot in.

Jeļāļokjeņ in im meļeļe in epojak nān aolep armej. Rej pād ie mool ko rej nān indeeo. Ilo Doctrine and Covenants jākjen 1, eoon 39, ej ba bwe Irooj ej Anij, im bwe jetōb ej je ļok eo, im ļok eo ej mool, im mool ko rej pād ie nān indeeo im indeeo.

Juon riјеje boem eaar jeje:

*Mene laņ enaaj jako im dān ko ilo
lal renaaj ehjak,
Mool, waļok in tōprak eo, enaaj
anjo ioon ta eo enana,
Indeeo, ej jab oktak, im ej jamin.¹*

Jet renaaj kajitōk, “Mool maroņ loe ia, im ekōjkan ad maroņ kile?” Ilo juōn mađenļok kar letok kōn Rikanaan Jospeh Smith ilo Kirtland, Ohio, ilo Māe in 1833 eo, Irooj eaar ba:

Mool ej jeļāļokjeņ in men otemjej āinwōt rej kiiō, im ejja āinwōt kōn mōkta, im āinwōt aer naaj waļoktok. . . .

Jetōb in mool ej jen Anij. . . .

Im ejjeļok armej ej bōk tarlep in maе iien ej kōjparok kien ko An.

E eo ej kōjparok kien ko an Anij ej mool im meram eo, maе iien ej laņlōņ ilo mool in im jeļā men otemjej.²

Ej juon kalimmur eaiboojoj! Eo ej kōjparok kien ko an Anij ej bōk mool im meram eo, maе iien ej laņlōņ ilo mool in im jeļā men otemjej.

Ejjab menin aikuj nān kwe ak nā, ilo iien in me eļap jeļāļokjeņ ippād me tarlep in kōjpeļ eo emōj an jepļaaktok, im pukōt mool eo ilo juon wāween ej jaņin kar kōmman mōkta. Jemedwōj Ilaņ eo eakwe eaar karōk iaļ in ad im kar kōpooj juon tōl eban

bōd—aaet naneo ej pokake. Juon jeļāļokjeņ kōn mool im uwaak ko nān kajitōk ko ad reļļap rej itok nān kōj ilo ad pokake kien ko an Anij.

Jej ekkatak pokake ilo aolepān mour ko ad. Jinoin nē jej dik, eddo kein nān kōj rej ejaaki unin tōl ko im kakien ko nān pedped ioon ad kōjparok. Mour enaaj ļam waan nān kōj eļāņne jenaaj lukkuun pokake kakien kein. Elōņ iaad, mekarta, rej ekkatak jen eņjake māletlet jen an juon pokake.

Ilo aō kar rūtto lōņtak, kajjojo jamar jān jino in Juļae maе jino in Jeptōmba, baamle eo aō rekijoņ pād ilo kābin eo am ilo Vivian Park ilo Provo Canyon ilo Utah.

Juon iaan ro jera ilo raan ko reka-mōņōņō ilo canyon in eaar Danny Larsen, eo baamle eo an raar barāinwōt wōr aer kābin ilo Vivian Park. Kajjojo raan kōm ro ej alooje peļaaikin eria in, eqņōd ilowaan juon ļe im reba, kappok dōkā im menin aorōk ko jet, etetal, tallōņ, im mōņōņō kajjojo minit ilo kajjojo raan.

Juon jibboņ kōm ro ar pepe bwe kōm ro naaj campfire joten eo ippān aolep ro jeram ilo canyon in. Eaar menin aikuj bwe kōm in karreeoiki juon eria ilo juon meļaaј epaake ijo kōm maroņ kuktok ippān doon ie. Ujooj in Juun eo eaar penjake meļaaј eo kar jino mōrā im ekkaņ, kōmman bwe meļaaј eo en jab emman nān jibadbad eo am. Kōm ar jino tūmј ujooj ko raitok, pepe nān karreeoiki juon eria kileplep. Kōm ar kanōk im tūmtūm kōn aolepān am maroņ, ak kōm kar maroņ tōpar jidik in wōt ujooj eo epen. Kōm ar jeļā bwe jebal eo enaaj bōk aolepān raan eo,

im am kajoor im mōṅōṅō emōj an diklōk.

Innām ta eo iaar lōmṅak ekar uwaak eo ewāppen eaar itok nān lōmṅak an juon ruwalitōk iiō rūttoon. Iaar ba nān Danny, “Men eo jej aikuji ej nān tile ujoor kein. Jenaaj tile juon doulul in ujoor ko!” Eaar errā, im iaar ettōr nān kābin eo am im bōktok jet mejet.

Bōlen ejjelōk iaami ej lōmṅak bwe eaar mālim am kōjērbal mejet ilo am dik āinwōt ruwalitok iiō, ikōṅaan kalikkar e bwe ekar mō nān kōm ro jimor nān kōjērbali ilo an ejjelōk tōl jen eo erūtto. Emōj kar kakkōl kōm ro kōn kauwōtata ko an kijeek. Kōn menin, iaar jelā ia eo baamle eo aō raar kakkoṅ mejet ko ie, im kōm ar aikuji in rakij meḷaaj eo. Mokta jen an bar juon lōmṅak itok nān eō, iaar ettōr nān kābin eo im bōk jet mejet, lukkuun lale bwe ejjelōk ej loe. Iaar mōkaj im ṅooji ilo bōjō eo aō.

Iaar ettōr lōk nān Danny, lañlōn bwe ilo bōjō eo aō eped ie uwaak eo am nān jorrān eo. Ij keememej bwe iaar lōmṅak kijeek eo emaroṅ in wōt tile ijo kōm kōṅaan im ilo jet wāween emake bōjrak an urur.

Iaar ṅe juon mejet ioon juon dōkā im jino kauruur ujoor eo emōrā. Eaar jino urur āinwōt nē eaar wōr en eaar uttidikdiki kōn kiaaj. Ilo jinoin kōm ro Danny kar lukkuun mōṅōṅō ke kōm ro ar alooje an ujoor ko jaklōk, ak ejjab etto eaar waḷōk bwe kijeek eo eaar jab lōmṅak in kun. Kōm ar jino mijak ke kōm ro ar kile bwe ejjelōk men kōm ro maroṅ kune kake. Urur eo ekauwōtata eaar jino tile ujoor eo lōñlōk turin tōl ko, kōmṅan kauwōtata nān pine tree ko im men otemjej ilo iaḷ eo aer.

Āliktata, eaar ejjelōk aṅ kālet ak ettōr nān pukōt jipaṅ. Ejjab etto aolep emṅaan im kōrā ro raar pād ilo Vivian Park raar ettōr to ettōr tak kōn bāāk ko retutu, ṅan kijeek urur eo kajjieoṅ nān kabōjraki. Ālkin jet awa maalkan alal ko reddik raar pād wōt raar bōjrak aer til. Pine tree ko rerūtto kar mour wōt, eaar barāinwōt nān mōko kijeek eo enaaj kar tōpari.

Danny im nā kar katak jet katak ko reppen bōtaab raar aorōk raan eo— mōttan eo eḷap ekar aorōk in pokake.

Ewōr kakien ko im kien ko nān jipaṅ kwaḷōk kōjparok eo ad ilo ānbwin. Barāinwōt, Irooj eaar kōpooj unin tōl ko im kien ko nān jipaṅ kwaḷōk kōjparok eo ad ilo ānbwin bwe jen maroṅ jejjēt ilo kōjebwebweik mour in ekauwōtata im āliktata roḷ nān Jemedwōj Ilañ.

Epepen ko lōk, Samual eaar kwaḷōk nān juon epepen in armej ro raar kajoor ilo katakin kōn katok an menin mour bwe, “Pokake emṅan jen katok, im eḷoroṅ emṅan jān grease an sip koṅaan ko”³

Ilo epepen in, Irooj eaar kwaḷōk nān Rikanaan Joseph Smith bwe E aikuji bōro eo im juon lōmṅak emō- ṅōṅō im epokake eo enaaj kañ men eo emṅan jān ānen Zaion ilo raan kein āliktata.⁴

Aolep rikanaan ro, etto im raan kein, kar jelā bwe pokake emenin aikuji nān lōmṅor eo ad. Nipai eaar kwaḷōk, “Inaaj ilōk im kōmṅani men ko Irooj eaar kaiñ.”⁵ Meñe ro jet rej wōtlōk ilo aer tōmak im aer pokake, Nipai eaar jab wōtlōk meñe juon kōttan nān kōmṅan ta eo Irooj eaar kajjitōk ippān. Elōñ epepen ko raar jab roñ kar jeramṅan āinwōt juon tōprak.

Bwebwenato in Ebrean im Aisek ej juon bwebwenato eimwe kōn pokake. Ewi joñan an pen nān kar Ebrean, ilo pokake nān keañ eo an Anij, nān bōklōk ḷaddik eo nejn ejitōn bōro nān ānen Moriah nān ajeḷōk e āinwōt juon kein katok. Jemaroṅ ke pijaik eddoin buruwōn Ebrean ilo an etal nān jikin eo kar jitōñ e? Emṅool eñtaan eḷap kar kōmṅan bwe jimor ānbwinnin im kōlmenlōk- jeṅ eo an ren lukkuun metak ke ej likwōj Aisek, Kōbabuik e ioon lokatok eo, im kotak bakbōk eo nān ṅan e. Kōn tōmak eo ejjelōk pere ie im leke ilo Irooj, eaar uwaak nān keañ eo an Irooj. Ekōjkan an aiboojoj kajjitōk in, im kabwilōñlōñ karuwainene eo eaar itok: “Kwōn jab likūt peūm ioon ḷaddik eo, im jab kōmṅan jabdewōt

nān e: bwe kiio ljeḷā bwe kwōj mijak, Anij, bwe kwaar jab dāpij nejōm jān Eō, eo ej make wōt nejōm.”⁶

Ebrean eaar kajjieoṅ im kar ida- joñjoñ, im kōn an lukkuun tōmak im pokake Irooj kar leḷōk kalimṅur in eaiboojoj: “Ilo ineōm ri aelōñ otem- jej i laḷ renaaj jeramṅan bwe kwaar pokake ainkiō.”⁷

Meñe jab kajjitōk tok ippād nān kwaḷōk kamool in ad pokake ilo juon wāween ekamōṅōṅō im eñjake epen, pokake ej aikuji nān kōj barāinwōt.

Kar kōmlet eo an Būreejtōn Joseph F. Smith ilo Oktoba 1873, “Pokake ej kakien eo kein kajuon an lañ.”⁸

Būreejtōn Gordon B. Hinckley eaar ba, “Mōṅōṅō eo an Armej ro Rekwo- jarjar ilo Raan-ko Āliktata, aenōmṅan eo an Armej ro Rekwojarjar, eddōklōk eo an Armej ro Rekwojarjar, jeram- ṅan eo an Armej ro Rekwojarjar, im mour indeeo im mour Ippān eo an armej rein ej pedped ilo etetal ilo po- kake nān kapilōk ko an . . . Anij.”⁹

Pokake ej juon ṅwil eo ekkā ippān rikanaan ro; ej bōktok kajoor im jelāḷōkjeṅ nān er ilo aolepān tōre ko. Ej menin aorōk nān kōj nān kile bwe jej, barāinwōt, rej ribōk nān jipaṅ in kōn kajoor im jelāḷōkjeṅ. Ej pojak kadede nān kajjojo iaad rainin ilo ad pokake kien ko an Anij.

Ilo aolepān iiō kein iaar jelā kajjeen elōñ armej ro raar lukkuun tiljek im pokake. Emōj aō jeramṅan im imwe jen er. Imaroṅ ke kwaḷōk ippām juon bwebwenato kōn ruo armej.

Walter Krause eaar juon membōr etiljek an Kabuñ in eo, barāinwōt baamle eo an, kar mour ilo wāween eo ebuñbuñ ilo an East Germany ḷoor Pata eo Kein Karuo an Laḷ in. Meñe eaar jelmae wāween ko reppen kōnke ejjelōk kar anemkwoj ilo eria in iien in, Brother Krause eaar juon emṅaan eaar iakwe im jērbal nān Irooj. Eaar tiljek im aolep iien tiljek kamōj kajjojo jērbal ej būki.

Emṅaan eo juon, Johann Den- dorfer, juon armej in Hungary, eo eaar oktak tok nān Kabuñ in

ilo Germany im kar peptaj ijeŋ ilo 1911 ilo iiō eo an ej 17. Eaar jab etto tokālik eaar jepļaakļok ņan Hungary. Ālkin Pata eo Kein Karuo an Laļ in, eaar ainwōt juon rikaļbuuj ilo laļ eo an make, ilo bukwōn in Debrecen. Anemkwoj eaar barāinwōt bōk jān armej in Hungary ro.

Brother Walter Krause, eo eaar jab jelā kajeen Denndorfer, kar bōk juon ijjitōn ņan erom an rūkaki in loļok mōko im ņan loļok e aolep iien. Brother Krause eaar kūrlōk eo mōttan ilo loļok mōko im ba, “Jaar bōk juon ijjitōn ņan loļok Brother Johann Denndorfer. Enaaj ke wōr am iien ņan etal ippa wiik in ņan loļok e im leļok ņan e juon naan an koļpel?” Im eaar ba, “Brother Denndorfer ej jokwe ilo Hungary.”

Eo mōttan eaar jino kajjitōk, “Nāāt jenaaj emmakūt?”

“Ilju,” uwaak eo eaar itok jān Brother Krause.

“Nāāt jenaaj rōļtok ņan kapijuknen?” eo mōttan eaar kajjitōk.

Brother Krause eaar uwaak, “O, bōlen juon wiik—eļāñne *jej* rōļtok.”

Etal ettoļok ruo kampānion raar loļok Brother Denndorfer, iuwe jen tireen im baj jān tuiiōn turear in eria ko ilo Germany ņan Debrecen, Hungary—juon ito itak eaitok. Brother Denndorfer ejañin kar wōr an rūkaki in loļok mōko mokta jen pata eo. Kiiō, ke eaar lo rikarejar rein an Irooj, eaar obrak kōn kaṃoolol bwe raar itok. Ilo jinoin eaar makoko in idik peir. Ijjeļokin, eaar etal ņan ruum in kiki eo an im bōktok juon bōqok alal epād ie juon mōttan joñoul eo an eaar kakkone iiō ko. Eaar leļok juon mōttan joñoul eo an ņan rūkaki in loļok mōko eo an im ba, “Kiiō emōj aō kakūrṃool eddo in juon mōttan joñoul eo aō ņan Irooj. *Kiiō* ij eñjake aō erreoo ņan idik pein rikarejar ro an Irooj!” Brother Krause eaar jiroñ eo

tokālik bwe eaar mweūr ilōn in naan ko ņan ļōmṃak bwe brother in etiljek, eo eaar ettoļok jen Kabuñ eo elōn iiō ko, kar pokake im aolep iien kar bōk 10 bōjān jān kōļļā eo an ņan kōļļāik juon mōttan joñoul eo an. Eaar kōjparok e jab jelā nāāt ak eļāñne enaaj wōr iien ejeramṃan ņan leļok.

Brother Walter Krause eaar mej ramtimjuon iiō ko romotlok ilo iiō eo an 94. Eaar tiljek im pokake ilo aolepān mour eo an im ekar juon imwe ņan eō im ņan aolep ro rejelā kajjeen. Ke kar kajjitōk ippān ņan kakūrṃool ijjitōn ko an, ej jañin kar kajjitōk, ej jañin kar aetwerōk, im ej jañin kar jekpen ṃae.

Ro jeiū im jatū, māllijoñ eo eļap an mour in ej ņan pokake. Anij eaar ba bwe renaaj kaṃoole er ņan lale eļāñne renaaj kōmṃane aolep men ko me Irooj ad Anij enaaj keañ er.¹⁰

Rilōmōqor eo eaar kwaļok bwe jabdewōt eo ekōṃaan juon kōjeramṃan jān Irooj ej aikuj pokake kakien eo im jekjek ko kar liļok ņan kōjeramṃan eo, ainwōt aer kar ijino mokta jen pedped ko an laļ.¹¹

Ejjeļok waanjoñok in pokake eļapļok ej waļok ijjeļokin jen kar Rilōmōqor eo ad. Kōn E, Paul eaar ba kōn E:

“Meñe Nejin, Ear katak im pokake kōn men ko Ear eñtaan kaki;

“Im ke emōj koweppān E, Ej Ri Lōmōqor indeeo ņan ro otemjej rej pokake E.”¹²

Rilōmōqor eo eaar kōmeļeļeik ia-kwe eaboojoj an Anij jen mour ewāpen, jen kautiej mijen eo ekwojarjar eo An. Ej jañin kar rinana. Ejañin kar utiej bōro. Ejañin kar bōjrak an kautiej. Aolep iien Eaar ettā. Eaar aolep iien ṃool. Eaar aolep iien pokake.

Meñe kar tōļļok E jen Jetōb eo ņan ānejamden ņan kapo jen maajta in moṃ eo, emool devil eo, meñe ānbwinnin eaar mōjṃo jān jitlok 40 raan

ko im 40 boñ ko im kar juon rikwōle, ke rinana eo eaar leļok kareel eo emṃantata im kajjieoñ kapo E, Eaar letok ņan kōj juon waanjoñok ekwojarjar kōn pokake ilo An makoko ņan ukōt jān ta eo Eaar jelā ke eaar jimwe.¹³

Ke Eaar jelmae metak ilo Gethsemane, ijo Eaar kijenmej metak bwe menokaduin Ānbwinnin raar biliñ in bōtōktōk ko reļļap raar wōtlok ioon laļ,¹⁴ Eaar waanjoñok in pokake Nejin im ba, Jema eļāñne Kwō kōṃaan, Kwōn bōkļok kab in jān Eō; a en jab ankil Aō ak en ankilam wōt.”¹⁵

Ilo an Rilōmōqor eo katakin Rijilok ro An mokta, barāinwōt Eaar katakin kwe im ņa, “Kwōn ļoor Eō.”¹⁶ Jej ke mōṃōṃō in pokake?

Jelāļokjen eo jej pukōte, uwaak ko jej kijenmej ņan loi, im kajoor eo jej kōṃaan rainin ņan jelmae apañ ko ilo juon laļ eļap im ukoktak maroñ ad ñe jej mōṃōṃō in pokake kien ko an Irooj. Ij kout bar juon alen naan ko an Irooj: Eo ej kōjparok kien ko an Anij ej bōk ṃool im meram eo, ṃae iien ej lañlōn ilo ṃool in im jelā men otemjej.¹⁷

Ej aō jar ettā bwe jen maroñ jeramṃan nōbar emweie kar kalimṃur kake ņan ro rej pokake. Ilo etan Jisōs Kraist, ad Irooj im Rilōmōqor, amen.

KAKEEMEMEJ KO

1. “Oh Say, What Is Truth?” *Al*, nōm. 272.

2. Doctrine and Covenants 93:24, 26–28.

3. 1 Samuel 15:22.

4. Lale Doctrine and Covenants 64:34.

5. 1 Nipai 3:7.

6. Jenesis 22:12.

7. Jenesis 22:12.

8. Joseph W. Smith, “Discourse,” *Deseret News*, Nov. 12, 1873, 644.

9. Gordon B. Hinckley, “If Ye Be Willing and Obedient,” *Ensign*, Dec. 1971, 125.

10. Abraham 3:25.

11. Lale Doctrine and Covenants 132:5.

12. Hibru 5:8–9.

13. Lale Matu 4:1–11.

14. Luk 22:44.

15. Luk 22:42.

16. Jon 21:22.

17. Lale Doctrine and Covenants 93:28.

Teachings for Our Time

Katak ko an Priesthood eo an Melkisedek im Doulul eo an Kōrā ro ilo Jabōt emen naaj ilo “Teaching for Our Time.” Kaj-jojo katak maroñ in kar kōpooj jān juōn ak lōñ ļok in kōnono ko letok ilo kar kweilōk eo eļap (lale jaat in ilaļ). Stake im district būreejtōn ro remaroñ kālet kōnono ta ko reaikuj in kar kōjerbali, ak remaroñ jitōñ eddo in ñan bisop ro im branch būreejtōn ro. Ritōl ro reaikuj in kwaļok aorōk eo an emḡaan ro ilo Priesthood eo an Melkisedek im jejtōr ro ilo Doulul eo an Kōrā ro ekkatak ejja kōnono ko ilo ejja Jabōt ko wōt.

Ro rej pād ilo katak ko ilo Jabōt-emen kar rōjañ er ñan ekkatak im bōktok ñan kūlaaj eo kweilōk eo eļap me ej waļok ilo makjiin eo.

Ļōmḡak ko ñan Kōpooj juōn Katak jān Kōnono ko

Jar bwe Jetōb Kwojarjar eo en pād ippām ilo aḡ ekkatak im katakin kōn kōnono eo (ko).

Komaroñ in po ñan kōpooj katak eo ilo kōjerbal bar kein katak ko jet, bōtaab kōnono ko ilo kweilōk eo eļap kar kōmālim ilo laajrak in katak ko. Jerbal eo aḡ ej ñan jipañ ro jet ekkatak im mour kōn kōjpeļ eo āinwōt kar katakin ilo kweilōk eo eļap an Kabuñ eo kiiō.

Etale kōnono eo (ko), pukōt pedped ko im katak ko me remaroñ in tōpar aikuj ko an ro uwaan kūlaaj eo. Barāinwōt pukōt bwe-bwenato ko, eoon in jipañ ko, im ennaan ko jān kōnono eo (ko) me enaaj jipañ eok katak ḡool kein.

Kōmḡane juōn laajrakin in wāween ñan katakin pedped ko im katak ko. Ļōmḡak in kobaik kajjitōk ko me rej jipañ membōr ro an kūlaj eo:

- Pukōt pedped ko im katak ko ilo kōnono eo (ko).
- Ļōmḡak kōn meļeļe ko aer.
- Kwaļok meļeļe, Ļōmḡak ko, eñ-jake ko, im naan in kaḡool ko.
- Mour kōn pedped ko im katak ko ilo mour ko aer.

KATAK KO AN ALLŌÑ KO REJ KATAKIN	KEIN KATAK KO ILO JABŌT EMEN
Eprōļ 2013–Oktoba 2013	Kōnono ko kar litok ilo Eprōļ 2013 kweilōk eo eļap*
Eprōļ 2013–Oktoba 2014	Kōnono ko kar litok ilo Eprōļ 2013 kweilōk eo eļap*

*Ñan Eprōļ im Oktoba katak ko an Jabōt emen, kōnono eo (ko) maroñ in kālet i jān kweilōk eo eļap ḡokta ak jān eo ej kab kōmḡan. Kōnono ko rej pojak ilo elōñ kajin ko ilo conference.lds.org.



Jen Bureejtön Henry B. Eyring

Rikakpilöklök eo Kein Kajun ilo Bureejtönji eo Kein Kajun

“Itok ñan Ippa”

*Jen naan ko im waanjoñok eo An,
Kraist eaar kwalok ñan kōj ekōjkan ñan kepaaklok E.*

E lap aō mōñōñō in pād ippāmi ilo kweilok in an Kabuñ eo an Jisōs Kraist im Armej ro Re-kwojarjar ilo Raan-ko Āliktata. Eñin ej Kabuñ eo An jej bōke iood Etan ilo ad deļōne aelōñ in An. E ej Anij, Rikōmanman eo, im wāppen. Jej menin mour ko rej mej im jerawiwi. Aaet ilo An iakwe ñan kōj im baamle ko ad, Ej karuwaineneik kōj ñan pād epaake E. Erkein rej naan ko An: Eaar ba eo enaaj pād epaake E im Enaaj pād epaake e; jej aikuj pukōt E ilo tiljek im jenaaj loe; jej aikuj kajjitōk im jenaaj bōke; jej aikuj kōļļajļaj im Enaaj kōppeļlok ñan kōj.¹

Ilo season in Ijtō in jej kakeeme-mej etke jej iakwe E im jen kalimmur eo Eaar kōmmane ñan rijilok ro an retiljek ñan erom ro Jeran rejitōn bōro. Rilomqor eo eaar kōmmane kalimmur in im kar jiroñ kōj ekōjkan, ilo jermal eo ad ñan E, Ej itok ñan kōj. Juon waanjoñok ilo juon revelesōn ñan Oliver Cowdery ilo an jermal ñan Irooj ippān Rikanaan Joseph Smith ilo ukōt Bok in Mormon: Irooj eaar jiroñ Oliver bwe Eaar kōnono ñan e kōnke ikdelel eo an Oliver; Oliver ar aikuj in likūt kapilok an Irooj ilo buruwōn.

Kwoj aikuj in tōmak im tiljek ilo kōjparok kien ko an Anij, innām Irooj enaaj kabooļe eok ilo pein kōn An iakwe.²

Iaar eñjake lañlōñ eo jān itok epaake Irooj im An epaake eō jen makūtkūt in pokake ko relam waan ñan kien ko.

Ewōr ami eñjake rot in. Emaroñ bōlen jen ami kālet ñan pād ilo juon kweilok in kwojkwoj. Eaar āindein ñan ña ilo juon Jabōt ke iaar dik. Ilo raan ko kōmñij bōk kwojkwoj eo ilo juon kweilok in jota. Ememļokjeņ eo kōn juon raan eļapļok jen 65 ļalem iio ko remqotļok, ke iaar kōjparok kien ko ñan kobaik baamle eo aō im kobaļok ippān Rikwojarjar ro, ej kepaakeļok eō ñan Rilomqor eo.

Eaar marok im mōļo namōj. Ij keememej aō eñjake meram im māñ-āān ilo imōñ jar eo joten eo ippān jinō im jema. Kōm ar bōk kwojkwoj eo, kar kōjeramman jen rikabwijer ro an Aaronic Priesthood eo, kōmman bujen ippān Jemedwōj Ilañ ñan aolep iien keememej Nejin im kōjparok kien ko An.

Ilo jemļokin kweilok eo kōm ar al eo “Abide with Me; Tis Eventide,”

kōn naan ko ie “O Savior, stay this night with me.”³

Iaar eñjake iakwe im epaake eo an Rilomqor eo joten eo. Im iaar eñjake aenōmman an Jetōb Kwojarjar.

Iaar kōñaan kōkāal bar juon alen eñjake ko an iakwe eo an Rilomqor eo im epaake eo An eo iaar eñjake ilo kweilok in kwojkwoj eo ilo aō kar jodikdik. Innām iaar kōjparok bar juon kien. Iaar pukōte ilo jeje ko rekwojarjar. Ilo er, ijeļā imaroñ in rōļ bar juon alen im bōk Jetōb kwojarjar eo ej kōmman bwe in eñjake ta eo rikaļoor ro an Irooj eo ejerkakpeje raar eñjake ke Eaar uwaake kajjitōk eo aer ñan itok ñan mōko mweer im ñan pād ippāer.

Iaar riit kōn raan eo kein kajilu ālkin Dōbwāal eo im kallib eo An. Kōrā ro retiljek im ro jet rej loe dōkā eo ej dābwillok jān lōb eo im kar loe bwe Ānbwinnin eaar jako. Raar itok kōn iakwe ñan E ñan kapit Ānbwinnin.

Ruo enjeļ raar jutak im kajjitōk etke raar mijak, ba:

“Etke komñij pukot eo E mour, ippān ro re mej?

“E jab pād ijin, a emōj an jerkakpeje: komwin keememej kōjkan An kōnono ñan kom ke Ear pād wōt i Galili,

“Im ba, Nejin armej, naaj ketak E ilo pein armej re nana, im naaj debwāal E, im ilo raan eo kein ka jilu Enaaj jerkakpeje.”⁴

Ilo Kōjpeļ Mark eaar kobaitok naan in tōl jān juon enjeļ: “A komwin ilok, kōnnaanōk ro ru kaļoran im Piter, Ej mōkajļok jān kom ñan Galili: ijo kom naaj lo E, āinwōt Ear ba ñan kom.”⁵

Rijilok ro im rikaļoor ro raar kuk ippān doon ilo Jerusalem. Āinwōt ad bōlen kōmmane, raar mijak im

bwilōn ke raar kōnono ippān doon kōn ta meļeļein ripōot in mej im An kar jerkakpeje nān er.

Ruo iaan rikaļoor ro raar etetal jōten eo jān Jerusalem ioon iaļ eo nān Emmaus. Kraist eo ejerkakpeje eaar waļōktok jen ioon bwiñal im etetal ippāer. Irooj eo ejerkakpeje eaar itok nān er.

Bok in Luk ej kōtļok ad etetal ippāer jōten eo:

“Im ke rej kōnono im bwebwenato nān doon, Jisōs ej make kepaak, im etal ippāer.

“A dāpij mejeir bwe ren jab kile E.

“Im E ba nān er, ta men ko kom̄ ro kōnono nān doon, ke kom̄ etal, im rej bōjrak im būromōj mejeir?

“Im juon iaer etan Kliopas, e uwaak im ba nān E, Kwe ruwamājet wōt ilo Jerusalem, im Kwaar jab jeļā men ko re waļok ijo ilo raan kein ke?”⁶

Raar jiroñ E kōn būromōj eo aer bwe Jisōs eaar mej ke raar lōke Enaaj erom Ripinmuur eo an Israel.

Ewōr wāween eo ejelet ilo ainikien Irooj eo ejerkakpeje ke Eaar kōnono nān ribūromōj rein ruo im rikaļoor rein rebūromōj.

“Im E ba nān er, O armej ri an-niabeab im e ruṃwij būremi kōn tōmak men ko otemjej ri kanaan raar kōnono kaki:

“E jab em̄man bwe ri Kraist en eñtaan kōn men kein, im deļōñ ilo aiboojoj eo An ke?

“Im Ej jino ippān Moses im ri kanaan otemjej, im kameļeļeik nān erro ilo Jeje ko otemjej men ko kōn E make.”⁷

Innām eaar itok iien eo eaar kōmāñān būruwō jen ke iaar ļaddik jidikdik.

“Im rej kepaak jikin kweilok eo, ijo rej ilok nān e: Im Ej kōm̄man ainwōt E kōñaan ilok iṃaan ļok.

“A rej ro dāpij E im ba, Kwōn pād ippem: bwe e jota, im e nañin boñ. Im Eaar etal im pād ippāer.”⁸

Rilōmōor eo eaar bōk kūr eo jōten eo nān deļōñe mōko iṃōn rikaļoor ro an jikin eo epaake Emmaus.

Ear jijet ilo iien mōñā ippāer. Eaar bōk pilawe, kōjeram̄mani, ruji, im

leļok nān er. Mejāer raar peļļok bwe raar jeļā wōn E. Innām Eaar jakoļok jān iṃaan mejāer. Luk eaar ļōoke nān kōj eñjake ko an rijilōk ro rejeram̄man: “Im rejro ba nān doon, Būruwed e jab bwil ilowad ke Ear kōnono nān kōj ilo iaļ eo, im ke Ear kameļeļeik Jeje ko nān kōjro ke?”⁹

Ilo ejja awa eo wōt rikaļoor ro ruo raar em̄mōkajļok jan Jerusalem nān jiroñ Rijilōk ro joñoul juon ta eo eaar waļok nān er. Ilo iien in Rilōmōor eo eaar bar waļok.

Eaar etale kanaan ko an mijen eo An nān pinmuur nān jerawiwi ko an ajri ro nejin Jemān im nān rube tomede ko an mej.

“Im ba nān er, Āindein ar je, bwe ri Kraist enaaj eñtaan, im jerkakpeje jān re mej ilo raan kein ka jilu:

“Im bwe enaaj kwaļok ukweļok im jeorļok jerōwiwi ko ilo Etan nan ri aelōñ otemjej, jinoin jān Jerusalem.

“Im kom̄ ri kōnnaan kōn men kein.”¹⁰

Naan ko an Rilōmōor eo rej mool barāinwōt em̄man nān kōj ainwōt rekar rikaļoor ro An. Jej ri kōnnaan ro an men kein. Im m̄uri eo em̄man jaar bōke ke jaar peptaij nān Kabuñ eo an Jisōs Kraist im Armej ro Rekwojar-jar ilo Raan-ko Āliktata eaar alikkar nān kōj jen rikanaan Alma bukwi iio remootļok ilo dān in Mormon:

“Im ālkin men kein, eaar ba nān er: Lo, er kein rej dān ko iMormon (bwe āindein kar kūr er) im kiiō, ainwōt kom̄ij kōñaan itok ilo wōrwōr an Anij, im nān kūr kom̄ armej ro An, im nān kūr An, im kom̄ij mōñōñō nān ineek eddo ko an ro jet, bwe ren maroñ mera;

“Aaet, im kom̄ij mōñōñō in jañ ippān ro rej jañ; aaet, im kaenōm̄man ro rej pād ilo aikuj in aenōm̄man, im nān jutak ainwōt ri kamool ro an Anij ilo aolep iien ko im ilo aolep men otemjeļok, im ilo aolep jikin ko kom̄ maroñ pād ie, emool ṃae mej, bwe kom̄in maroñ bōk ļom̄or an Anij, im bōnbōn ippān ro ilo jerkakpeje eo mōktata, bwe kom̄in maroñ bōk mour indeeo—

“Kiiō ij ba nān kom̄, eļāñne eñin

ej ikdelel eo an buruōmi, ta ippāmi ṃae baptaise ilo etan Irooj, ainwōt juon ri kamool iṃaan mejān ke emōj ami kar deļōñe juon bujen Ippān, bwe kom̄ naaj jeral nān E im kōjparok kien ko An, bwe E en maroñ lutōkleplep eļapļok Jetōb eo An ioomi?

“Im kiiō ke armej ro raar roñ naan kein, raar kabbobok peier ilo mō-ṃōñō, im lamōj: Eñin ej ikdelel eo an buruōm.”¹¹

Jej mour ium̄win bujen jimor nān kotak ro repād ilo aikuj im nān erom rikamool ro an Rilōmōor eo toon wōt ad mour.

Jenaaj maroñ wōt kōm̄mane menin ilo ejeļok likjab ñe jej eñjake iakwe nān Rilōmōor eo im An iakwe nān kōj. Ilo ad tiljek nān kalim̄mur ko jaar kōm̄mani, jenaaj eñjake ad iakwe nān E. Ej ļapļok kōnke jej eñjake An ka-joor im kepaak tok kōj ilo An jeral.

Būreejtōn Thomas S. Monson eaar emakikij an kakeememej kōj kōn kalim̄mur eo an Irooj nān rikaļoor ro an retiljek: Bwe jabdewōt ej bōk rikarejar ro An renāaj barāinwōt, bwe Enaaj etal iṃaan mejāer. Enaaj pād ilo tuanbwij maroñin peim im ilo tuanmiñ, im Jetōb eo Aō enaaj pād ilo būruwōm, im enjeļ ro Aō renāaj jepool kom̄, nān jipañ kōj.¹²

Ewōr bar juon wāween kwe im ña maroñ eñjake An epaake kōj. Ilo ad wujleplok jeral in jipañ nān E, Ej kepaak tok jabdewōt ro rej iakwe ilo baamle ko ad. Aolep iien iaar kūr ilo jeral in an Irooj nān em̄makūt ak etal jen baamle eo, ij loe bwe Irooj eaar kōjeram̄man kōrā eo pāleeō im ajri ro nejū. Ej kōpooj rikarejar ro reakwe im iien em̄man nān kepaak tok er epaake E.

Kom̄ ar eñjake ejja kōjeram̄man in ilo mour ko am. Elōñ iami ewōr nejier jītōn bōro ro rej jōbābwe ilo iaļ eo nān mour indeeo. Kwoj ke ļōm̄nak ta eo eļapļok komaroñ kōm̄mane nān kōrōqłtok er. Komaroñ pedped ioon Irooj nān kepaak tok er ilo ami jeral nān E ilo tōmak.

Kom̄ij ke keememej kalim̄mur eo nān Joseph Smith im Sidney Rigdon

ke raar pād ettoļok jān baamle ko aer ilo jermal an Irooj: Irooj eaar jiroņļok Sidney im Joseph, bwe baamle ko aer emman aer pād; raar pād ilo Pein, im enaaj kōmman nān er ta eo Ej peek ej emman; Epād aolep kajoor Ippān.¹³

Āinļok wōt Alma im Kiiñ Mosaia, jet iaami rikabwijer ro retiljek ro raar jermal nān Irooj aitok im barāinwōt wōr ro nejier rej jōbābwe meñe ro jineer im jemāer raar eñtaan nān Irooj. Āinwōt kom, raar aolep kōmmane im remaroñ, aet kōn jipañ jān armej ro jet reakwe im tiljek.

Alma im Rikwojarjar ro raar jar kōn ļaddik eo nejin im ļaddik ro nejin Kiiñ Mosaia. Juon enjeļ eaar itok. Ami jar im jar ko an ro rej kōjermal tōmak eo aer naaj bōktok rikarejar an Anij nān jipañ membōr in baamle eo ami. Renaaj jipañ kom kālet iaļ eo nān kapijuknen nān Anij, aet ñe rej jodik er jen Satan im rikaļoor ro an, ro kōt-tōpar eo aer ej nān kakkure baamle ko ilo mour in im ilo indeeo.

Komij keememej naan ko kar kōnono jen enjeļ eo nān Alma eo Edik im ļaddik ro nejin Mosaia ilo nana eo aer: “Im bar juon alen, enjeļ eo eba: Lo, Irooj eaar roñ jar ko an armej ro an, im barāinwōt jar ko an eo karejaren, Alma, eo ej jemam; bwe eaar jar kōn eļap tōmak kōn kwe bwe kōn maroñ itok nān jeļā kōn mool eo; kōn menin, kōn un in Iaar itok nān kareel buruōm kōn kajoor im maroñ an Anij, bwe jar ko an eo karejaren ren maroñ uwaak ekkar nān aer tōmak.”¹⁴

Aō kalimmur nān kom ro rej jar im jermal bwe Irooj ejjab bwe kom naaj bōk aolep kōjeramman kom kōnaan nān kom make im baamle eo am. Ak imaroñ kalimuri kom bwe Rilomoor enaaj kepaak tok kom im kōjeramman kom im baamle eo ami kōn ta eo emman tata. Kom naaj bōk

aenōmman jen An iakwe im eñjake uwaak eo an Epaake tok kom ilo ami leļok peimi ilo jermal in jipañ nān ro jet. Ilo ami korak kinej ko an ro repād ilo aikuj im leļok karreo in Pinmuur eo An nān ro rej buromōj ilo jerawiwi, kajoor eo an Irooj enaaj rejtake kom. Pein renaaj erļokwaj nān peimi nān jipañ im kōjeramman ajri ro nejin Jemedwōj Ilañ, ekitbuuj ro ilo baamle eo am.

Ewōr aibojoj ilo jepļakļok in kar kōpooje nān kōj. Jenaaj loe kūrmoool in kalimmur eo an Irooj eo jaar iakwe. Ej E eo eaar karuwaineneik kōj nān mour indeeo Ippān im Jemedwōj Ilañ. Jisōs Kraist eaar kōmeļeļeiki wāween in:

Pukōt nān bōk maantak im ejaake Aō Zaion. Kōjparok kien ko Aō ilo men otemjej.

Eļāñe jej kōjparok kien ko An im niknik nān jemļokin, jenaaj bōk mour indeeo, eo ej menin letok eo eļap tata an Anij.¹⁵

Bwe ro rej mour renaaj deļoñe laļ in, im ro rej mej renaaj kakkije jān aolep jermal ko aer, im jermal ko aer renaaj ļoor er; im renaaj bōk kūrwin ilo mānjen ko an Jemān, eo Jisōs Kraist eaar kōpooje nān er.¹⁶

Ij kaool bwe jemaroñ jen Jetōb eo ļoor kūr in an Jemedwōj Ilañ: “Eñin ej Neju Jitōn Bōro. Roñjake E!”¹⁷

Jen naan ko im waanjoñok eo An, Kraist eaar kwaļok nān kōj ekōjkan nān kepaakļok E. Aolep ajri ro nejin Jemedwōj Ilañ ro raar kālet nān deļoñe jen aor in peptaij ilo Kabuñ eo An naaj aer iien emman nān katak kōjpeļ eo An im nān roñjake jān rikarejar ro An kūr eo An nān “Itok nān Ippa.”¹⁸

Aolep rikarejar raar bujen Ippān ilowaan aelōñ in An ioon laļ in, im ilo laļ eo an jetōb, naaj bōk An tōl ilo aer kōjeramman im jermal nān ro

jet kōn E. Innām renaaj eñjake An iakwe, im loe lañlōñ ilo epaake Irooj nān E.

Ij juon rikamool an Jerkakpeje eo an Irooj āinwōt emool eļāñe iaar pād ijeņ joten eo ippān rikaļoor ro ruo ilo mweo ilo iaļ eo nān Emmaus. Ijeļā bwe Ej mour emool āinwōt kar Joseph Smith ke eaar lo Jemān im Nejin ilo meram eo ilo juon jibboñ emman ilo juon bukwin wōjke ko ilo Palmyra.

Eñin ej Kabuñ eo emool an Jisōs Kraist. Ilo wōt kii ko an Priesthood eo kabwijer jen Būreejtōn Thomas S. Monson ej kajoor eo nān liap ilo baamle ko nān mour indeeo ippān Jemedwōj Ilañ im Irooj Jisōs Kraist. Jenaaj ilo Raan in Ekajet eo jutak imaan Rilomoor, jelmāe doon. Enaaj juon iien lañlōñ nān ro raar kepaak E ilo An jermal ilo mour in. Enaaj juon menin lañlōñ nān roñjake naan ko: “Emman am kōmman Kwō karijara emman im tiljek.”¹⁹ Ij kaool āinwōt juon rikamool an Rilomoor eo ejerkakpeje im ad Rilomoor ilo etan Jisōs Kraist, amen.

KAKEEMEMEJ KO

1. Doctrine and Covenants 88:63.
2. Doctrine and Covenants 6:20.
3. “Abide with Me; ’Tis Eventide,” *Hymns*, no. 165.
4. Luk 24:5–7.
5. Mark 16:7.
6. Luk 24:5–7.
7. Luk 24:5–7.
8. Luk 24:28–29.
9. Luk 24:32.
10. Luk 24:46–48.
11. Mosaia 18:8–11.
12. Doctrine and Covenants 84:88.
13. Doctrine and Covenants 100:1.
14. Mosaia 27:14.
15. Doctrine and Covenants 14:6–7.
16. Doctrine and Covenants 59:2.
17. Joseph Smith—History 1:17.
18. Matu 11:28.
19. Matu 25:21.